



TEZAU LITURGIC
13 OCTOMBRIE

SLUJBA
SF.DIACON-MUCENIC
VENIAMIN
DIN PERSIA



MOSCOVA, 2000



**Мѣсяца Окто́врія въ 13-й дѣнь
Служба Пресвятѣй Богородицѣ, въ
честь и память явленія чудотворныя
Ея иконы, нарицаемыя Иверскія,
вкупѣ и святому мученику діакону
Веніамину**

НА ВЕЛИЦѢЙ ВЕЧЕРНИ,

**Блаженъ мужъ... 1-й антифонъ.] На Гóсподи,
воззвахъ: стихиры на 8, гласъ 5:**

Красуйся, Аѳоне,* [радуйся и веселися, обитель
Иверская:* се бо грядетъ чудная икона
Богоматере,* ангелы по морю
дориносима,* свѣтомъ неизреченнымъ
сіяючи,* мракъ скорбей и печалей
прогоняючи* и всѣхъ лучами своея милости
озаряючи.

Тебѣ припадають, Госпоже,* иноковъ лица и
постниковъ сословія,* и любезно взирающе на
святую икону Твою, вопіють Ти:* прииди къ
намъ, Благая Мати,* ущедри чтущія Тя* и даруй
намъ святыи образъ Твой* въ залогъ милости и
спасенія.

О, преславнаго чудесе!* Якоже бо Моисею въ
Синаи купина явися иногда,* огнемъ убо
опаляема и невреждена пребывши,* сие и

Всенепо́рочныя Богороди́тельницы
 о́бразъ* о́гнемъ одѣ́вается,* но неопали́мъ
 пребы́ваетъ,* просвѣ́щая и на́съ, су́щихъ во
 мра́цѣ,* и невре́димы въ пещи́ искуше́ній и бѣ́дъ
 сохра́няя.

Гряди́, Гаврі́иле,* снѣди́ немóкреными
 но́гами въ мо́ре* и при́ими во о́бъятія ико́ну
 Богома́тере* на ра́дость Аѳо́ну,* на огражде́ніе
 оби́тели Иверскі́я* и всѣ́мъ христі́аномъ во
 утѣ́шеніе].

И мученику 4, гласъ 8. Подобень: [О,
 пресла́внаго чуде́сѣ!]

Прииді́те, о празднолю́бцы, архіере́евъ
 сосло́віе, и священни́ковъ бра́тство, и діа́коновъ
 во Хри́стѣ́ честны́й ли́че! Просла́вимъ днѣ́сь
 лѣ́тнюю па́мять священномучени́ка, діа́кона
 Веніа́мина, досто́инъ бо сла́вно воспѣ́тъ бы́ти,
 я́ко за Христа́ Спа́са прие́мый муче́нія и ны́нѣ на
 небесѣ́хъ прославля́емый.

Прииди́, діа́конскій ли́че, возра́дуйся ны́нѣ,
 сла́вно священнодіа́кона па́мять велича́ючи,
 вои́стину Бо́жій слуга́ бы́сть и проповѣ́дникъ
 Ева́нгелія́ неустраши́мый, и святи́телю своему́
 Авдѣ́ послѣ́дователю. Вѣ́дый бо, я́ко нѣ́сть
 бо́льши се́я любве́, да кто́ ду́шу свою́ положи́тъ
 за Возлю́бленнаго, живо́тъ сво́й за Христа́
 пре́далъ е́сть.

Приидіте, монаси честніи, вкупѣ со всѣми вѣрными, почтѣмъ пѣснопѣнными усердно священномученика Веніаміна добляго, Крестъ на рамена вольно подъявшаго, и жестокиѣ мукѣ себѣ вдавшаго любви ради Христовы и Евангелія, и въ наученіе вѣрѣ народа своего.

Приидіте, блаженніи тезоименницы, въ свѣтлый день нашего покровителя, восхвалимъ его страданія и благовѣстіе вѣры неоторимое, и служеніе Церкви даже до крове, моляще его благодать надъ нами испросити, во еже вѣрнымъ въ вѣрѣ быти и душамъ нашимъ спастися.

Слава, гласъ 2:

Егда отъ Святаго Духа огонь благодати возгорѣся въ сѣрдцѣ твоѣмъ, сладостно [за] Евангеліе Христово мукѣ жестокиѣ предаѣся еси, въ темницѣ надолзѣ томимый. Освобожденъ же сый, паки ко благовѣстію устремѣлся еси, сего ради лютыѣмъ страстѣмъ вданъ былъ еси: въ персты рукъ и ногъ и въ неблагообразный удъ иглъ острыхъ вонзенія претерпѣвый, послѣди же на древо жестокое насажденный, яко свѣща, муками палимая, Христу, за насъ распеншемуся, возжегся еси, сего ради отъ Него блаженнаго гласа нынѣ сподобѣлся еси: вниди, рабе Мой, въ радость невечернюю.

И нынѣ, гласъ 8:

О, Мати Благая, [Госпожѣ Богородице Дѣво! Не отрини насъ, смиренныхъ рабъ Твоихъ, предъ пречистою Твоею иконою недостойныя молитвы приносящихъ, буди теплая ходатаица о насъ, грѣшныхъ, къ Сыну Твоему, избави насъ отъ всѣхъ бѣдъ и искушеній, да спасаеми Тобою, выну вопіемъ Ти: радуйся, Благая Вратарнице, двѣри райскія намъ отверзающая].

Входъ. Прокимень дне и чтенія.

Бытія чтеніе. [Глава 28.]

Изыде Іаковъ отъ студенца клятвеннаго и иде въ Харранъ. И обрѣте мѣсто, и спá тамо, зайде бо солнце; и взятъ отъ каменія мѣста того, и положи возглавіе себѣ, и спá на мѣстѣ ономъ. И сонъ видѣ: и се лѣствица утверждена на земли, еяже глава досязаше до небесъ, и Ангели Божіи восхождаху и низхождаху по ней. Господь же утверждашеся на ней, и рече: Азъ Богъ Авраамовъ, отца твоего, и Богъ Исааковъ, не бойся: земля, идѣже ты спиши на ней, тебѣ дамъ ю и сѣмени твоему. И будетъ сѣмя твое, яко песокъ земный, и распространится на море, и ліву, и сѣверъ, и на востоки, и возблагодарятъся о тебѣ вся колѣна земная и о сѣмени твоёмъ. И се Азъ съ тобою, сохраняяй тя на всякомъ пути, аможе аще пойдеш, и возвращу тя въ зѣмлю сію, яко не имамъ тебе оставити, дондеже

сотворити Ми́ вся, елика глаго́лахъ тебѣ́. И воста́ Іаковъ́ отъ сна́ своего́, и рече́: яко́ е́сть Госпо́дь на мѣ́стѣ́ се́мъ, азъ́ же не вѣ́дѣхъ. И убоя́ся, и рече́: яко́ стра́шно мѣ́сто сіе́, нѣ́сть сіе́, но до́мъ Бо́жій, и сія́ врата́ небес́ная.

Исхода́ чтѣ́ніе. [Глава́ 3.]

Моисей́ бы́ше пасы́й о́вцы Іоѳо́ра, те́стя своего́, священника́ Мади́амска, и гна́ше о́вцы въ пусты́ню; и пріи́де въ го́ру Бо́жію Хорі́въ. Яви́ся же ему́́ Ангелъ́ Госпо́день въ пла́мени о́гненнѣ́ изъ́ купины́; и ви́дитъ, яко́ купина́ горитъ́ огне́мъ, купина́ же не сгара́ше. Рече́ же Мойсей: мимоше́дъ, уви́жду ви́дѣніе вели́кое сіе́, яко́ не сгара́етъ купина́. Егда́́ же ви́дѣ́ Госпо́дь, яко́ присту́паетъ ви́дѣти, воззва́́ его́ Госпо́дь изъ́ купины́, глаго́ля: Моисее́, Моисее́. Онъ́́ же рече́: что́́ е́сть, Го́споди? Онъ́́ же рече́: не приближа́йся сѣ́мо; изу́й сапоги́́ отъ но́гъ твои́хъ: мѣ́сто бо, на не́мже ты́ стои́ши, земля́́ свята́́ е́сть.

Исхода́ чтѣ́ніе. [Глава́ 13.]

Обведе́́ Бо́гъ лю́ди путе́мъ, и́же въ́ пусты́ни, къ Чермнóму́ мо́рю: пятаго́́ же ро́да изыдо́ша сы́нове Изра́илевы́ отъ земли́́ Египетскі́я. И взя́́ Моисей́́ кости́́ Іосифовы́́ съ собо́ю, кля́твою́́ бо за́кля Іосифъ́́ сы́ны Изра́илевы́́, глаго́ля: присъще́ніемъ́́ присѣ́титъ́ васъ́́ Госпо́дь, и изнесете́́ отсю́ду́́ ко́сти́́ моя́́ съ собо́ю.

Воздвигшеся же сынове Израилевы отъ Сокхота, ополчися во Ово́мъ при пустыни. Бо́гъ же вождаше ихъ: въ де́нь убо столпо́мъ облачнымъ показати имъ пу́ть, но́щю же столпо́мъ о́гненнымъ свѣтити имъ. И не оскуде́ столпъ облачный во дни́, и столпъ о́гненный но́щю предъ всѣми людьми́.

На литіи стихиры, гласъ 8:

Приидите, празднoлюбцы и по́стниковъ сослoвіе, [вѣроу соше́дшеся, хвалѣбныя пѣсни принесѣмъ Маріи Приснодѣвѣ, днѣсь бо настѣ свѣтлое торжество, явлѣніе честныя Ея ико́ны Иверскія, юже обстоѣюще со страхомъ и любовію, воспоймъ Богородице: раду́йся, неисповѣ́димая радосте́ всѣмъ; раду́йся, о́бразомъ Твои́мъ святы́мъ насъ просвѣща́ющая; раду́йся, всѣмъ похвало́ и утвержде́ніе; раду́йся, спасе́ніе ду́шъ нашихъ.

Что Тя наречѣмъ, Богородице Дѣво: столпъ ли о́гненный, къ вѣ́чному наслѣ́дію насъ веду́щій? Стѣну ли крѣпкую, яко правосла́вный родъ защища́еши? Стража ли неусы́пна, яко обитель Твою́ охраня́еши и спаса́еши? Тѣмже отъ належа́щихъ бѣ́дъ избавля́еми, возопі́ймъ Влады́чицѣ: раду́йся, благі́хъ вино́вная, извѣ́стное христіа́нъ упова́ніе].

Сла́ва, гла́сь 5:

Честный́ страстоте́рпче Христо́въ, сла́вный благовѣ́стниче и му́чениче, въ же́ртву словес́ную Сло́ву себе́ принесы́й, и ны́нѣ на небесѣ́хъ славосло́вля Его́, принеси́ и отъ на́съ, безсловес́ныхъ, моле́нія, да спасе́тъ тобо́ю ду́ши на́ша, я́ко Милосе́рдъ и Человѣ́колюбе́цъ.

И ны́нѣ [Богороди́цы], гла́сь то́йже:

Радуется́ Аво́нъ, [ликовству́етъ оби́тель Иверская́, торже́ствуетъ и вся́ страна́ Росси́йская: Бо́жія бо Ма́терь чудотво́рнымъ Свои́мъ о́бразомъ ми́лостивно на́съ посѣ́тила е́сть, да́руетъ же на́мъ въ ну́ждахъ по́мощь, въ ско́рбехъ утѣ́шеніе, въ болѣ́зняхъ исцѣ́леніе, въ бѣ́дахъ изба́вленіе и всѣ́мъ вѣ́рнымъ ве́лію ми́лость].

На стихо́внѣ стихи́ры, гла́сь 4:

Сла́вное ико́ны Твоея́ явле́ние,* [Богоро́дице Пренепоро́чная, славосло́вимъ днесь* и Твое́ заступле́ние на́мъ праж́днуемъ,* я́ко бо Ма́ти су́щи Живота́,* мо́лиши о на́съ Христа́ Бо́га на́шего,* на Тя крѣ́пкую наде́жду возложи́вшихъ,* Путево́дительнице́ нело́жная на́шего спасе́нія.

Стихъ: Помяну́ і́мя Твое́* во вся́комъ ро́дѣ и ро́дѣ.

Отложимъ, вѣрніи, печаль:* се бо вторая неопалимая купина, икона Богоматере,* иноки аѳонскими зримая,* на очищеніе грѣшныхъ является.

Стихъ: Слыши, Дщи, и виждь,* и приклони ухо Твое.

Назнаменуящи во странствіи житѣйствомъ Твое намъ водительство, являешися, Богомати, въ столпъ огненнъ,* да насъ, блуждающихъ,* путеводиши къ вѣчнымъ обителемъ].

Слава мученику, гласъ 6:

Иереміи подобяся, не могъ еси огня благодати носити въ дусъ своемъ втайнѣ, но апостольски ревностно Христа проповѣдалъ еси, сего ради въ темницу вверженъ былъ еси; и освобожденъ сый ко благовѣстію абіе вдался еси, и пламенемъ мученій ко Свѣту Тихому возлетѣлъ еси.

И нынѣ [Богородицы], гласъ 5:

Приидите, вси монаси и мірстіи, [прославимъ Пречистую Дѣву Богородицу: днесъ бо, ради священныя иконы, въ мори путіе Ея и стези Ея въ водахъ многихъ, отъ Никѣи бо въ столпъ огненнъ понтъ морскій ко Аѳону преходитъ и даръ пришествіемъ Своимъ вѣрнымъ подаеъ. Мы же, просвѣщаеми лучами благодати, Ходатаицу спасенія нашего ублажаемъ].

Тропарь Богородиць, гласъ 1:

Дѣрзость ненавидящихъ [образъ Господень и держава нечестивыхъ безбожно въ Никѣю прииде, и посланніи безчеловѣчно вдовицу, благочестно чтущую икону Богоматере, истязуютъ. Но тая нощію съ сыномъ икону въ морѣ пусти, вопіючи: слава Тебѣ, Чистая, яко непроходимое морѣ плещи своя подаде; слава правошествію Твоему, еди́на Нетлѣнная]. **[Дважды.]**

И мученику тропарь, гласъ 4:

Ра́бе благій и вѣрный, служитель Господень твёрдый, за благовѣстіе Евангельское пострадавый и вся до конца претерпѣвый, священномучениче Веніаміне, моли Христа́ Бо́га спасти ду́ши на́ша.

НА УТРЕНИ,

[На Богъ Господь:] Тропарь Богородицы, гласъ 4: Отъ святыя иконы Твоея... Слава, мученика.

И нынѣ, инъ тропарь Богородицы: Дѣрзость ненавидящихъ...

По 1-й каѳісмѣ съда́ленъ мученика, гласъ 1:

Яко ка́меніе твёрдо, не убо́ястеся му́къ святіи мученицы, но яко въ чуждыхъ тѣлесѣхъ терпяще, благода́тію Христо́вою укрѣпляхуся. Сего́ ради и

мы́ съ ва́ми во́піемъ Нача́льнику вѣ́ры: сла́ва Распя́тію Твоему́, Христе́; сла́ва му́ченикъ Твои́хъ страда́нію; сла́ва блаже́нству ихъ во Ца́рствіи Твоемъ. **[Два́жды.]**

Сла́ва, и ны́нѣ [Богородицы], гласъ тойже:

Пресвѣ́тлаго зра́ка Твоего́ явле́ніе ра́дость прино́ситъ всѣ́мъ вѣ́рующимъ и оби́тели Иверстѣ́й да́руетъ стра́жа неусы́пна и отъ бѣ́дъ изба́вленіе. Тѣ́мже пое́мъ Ти́, Пречи́стая: покрыва́й насъ при́сно Покро́вомъ Твоимъ.

По 2-й каѳі́смѣ [сѣ́даленъ] му́ченика, гласъ 3:

Христо́вою любове́ю уязви́вся, да́же до сме́рти за Него́ пострада́лъ еси́. Служе́ніе же діа́конское прие́мый, проповѣ́данію и ни́щимъ служи́лъ еси́, сего́ ра́ди отъ Талантода́теля услы́шалъ еси́: вни́ди въ ра́дость Го́спода твоего́ во вѣ́ки. **[Два́жды.]**

Сла́ва, и ны́нѣ [Богородицы], гласъ тойже:

Весе́лятся дне́сь свѣ́тло Аво́на па́ствы, пѣ́сней мно́жество сла́гають, любове́ю Непоро́чную почита́юще, вели́чествомъ благода́ти крася́щися, ю́же при́ша прише́ствіемъ ико́ны Всенопоро́чныя О́трокови́цы, заря́ми Боговѣ́дніа благоче́стно пою́щихъ оза́ряющіа.

Величание:

Велича́емъ Тя, Пресвята́я Дѣ́во, Богоизбра́нная
Отрокови́це, и чте́мъ о́бразъ Тво́й святы́й, и́мже
то́чиши исцѣ́ленія всѣ́мъ, съ вѣ́рою
притека́ющимъ.

Псаломъ избранный: Помяни́, Го́споди,
Дави́да и всю крото́сть его́...

[По по́ліелєи] сѣ́даленъ мученику, гла́съ 8:

Сла́вная страда́нія твоя́, священнодіа́коне,
ужаса́ють моя́ помышле́нія, и недоумѣ́ваетъ мой
у́мъ, лю́тая твоя́ зря́ муче́нія. И сокра́щенная сія́
слова́ показу́ють вели́кое терпѣ́ніе: въ темни́цѣ
изнуря́емый, чле́номъ твои́мъ терза́емый и на
о́стріи [1] сме́рть вкуси́вый, сія́ ни во что́же
вмѣ́нялъ еси́, Ца́рствія Христо́ва
взыску́ючи. **[Два́жды.]**

Сла́ва, и ны́нѣ [Богороди́цы], гла́съ то́йже:

Вели́чіе Твое́ кто́ исповѣ́сть, Богороди́це?
Явле́ніемъ бо Твоея́ ико́ны удиви́ла еси́ вся́
право́славныя, мно́гія неду́ги врачу́ючи и
болѣ́зни исцѣ́ляючи. О, Всеми́лостивая
Влады́чице, не лиши́ насъ и ны́нѣ Твоего́
заступле́нія, но моли́твами Твои́ми за́щити́ и
спаси́ право́славнаго Импера́тора, и все́
христолю́бное Его́ вои́нство си́лою Твое́ю
огради́, да Тобо́ю хва́лящеся и все́ упова́ніе на
Тя возлага́юще, не постыди́мся во вѣ́ки.

[Степѣнна, 1-й антифѣнъ 4-го гласа. Прокимѣнь, гласъ 4: Помяну́ имя Твое* во всякомъ родѣ и родѣ. Стихъ: Отрыгну́ сердце мое́ слово́ благо, глаголю́ азъ́ дѣла́ моя Царѣви. Всякое́ дыха́ніе... Евангеліе Луки, зачало 4.]

По 50-мъ псалмѣ стихи́ра, гласъ 6:

Егда́ явле́ніе чу́днаго Твоего́ о́браза приспѣ́, тогда́ аѳѳнстіи́ отцы́, сто́лпъ о́гненный на мо́ри зря́ще, стра́хомъ одержи́ми, недоумѣ́ваху; Гавріи́лъ же, я́ко вторы́й Пе́тръ, по мо́рю ходя́, со слеза́ми вопія́ше Тебѣ́: О, Пресвята́я, при́ди и сохрани́ достоя́ніе Твое́ отъ вра́гъ ненави́тно!]

Кано́нъ Пресвяты́я Богоро́дицы со ирмосо́мъ на 8. Гласъ 8.

Пѣснь 1.

[Ирмо́сь: Колеснице́гонителя́ фарао́ня погрузи́ чудотвора́й ино́гда Моисе́йскій же́злъ, крестоо́бразно порази́въ и раздѣ́ливъ мо́ре, Изра́иля же бѣ́глеца́, пѣ́шиходца́ спасе́, пѣ́снь Бо́гови воспѣ́вающа.

Отъ скве́рныхъ усте́нъ хвале́ніе при́ими, Всенепоро́чная, я́коже пре́жде Сы́нъ Тво́й, Бо́гъ же мо́й и Госпо́дь, при́ять двѣ́ ле́пты вдови́цы, и разрѣ́шеніе прегрѣ́шеній мо́ихъ пода́ждь, я́ко да по до́лгу велича́ю Тя́.

Ангельское пѣніе подобаше Тебѣ, Матери Божіей, Творца бо сихъ родила еси странно. Но и отъ насъ пріими, Владычице, смиренныя сія молитвы, да поемъ Господеви: славно прославися въ нашей немощи.

Огустѣша воды, огустѣша и волны посреда моря, носяща Твою, Богомати, икону. Утверди и мое подвигшееся сердце на камени заповѣдей Христовыхъ.

Помощница и Покровительница была еси, Дѣво, обители Иверскія, воевъ Амירים съ корабли ихъ въ мори погрузивши, но потопи въ пучинѣ милосердія Сына Твоего вся моя душевныя страсти и безчисленная моя прегрѣшенія.

Инъ канонъ мученика, на 6, гласъ 5.]

Пѣснь 1.

Ирмосъ: Спасителю Богу, въ мори люди немокрыми ногами наставльшему и фараона со всевоинствомъ потопльшему, Тому единому поимъ, яко прославися.

Спастися мнѣ хотящу, во грѣсѣхъ же валятися [2] не prestaющу, тяжело ми есть отверсти уста моя во хваление, обаче, Утѣшителю Благій, благодать слова ми даруй, да воспою мученика Твоего.

Страда́нія твоя́, му́чениче, на хвалу́ подви́зають, а́ще и недо́стойная моя́ уста́, се́го ра́ди воспѣ́ти тя дерза́ю, а́ще же и сла́вное и́мя твое́ нося́й: обои́хъ ра́ди прими́ да́ръ сло́въ отъ безсло́веснаго умо́мъ.

За Христа́ пострада́въ, мо́ре житѣ́йское преплы́лъ еси́, священно́мучениче. И мене́ въ приста́нище тѣ́хое доведи́ пока́ніемъ: се́я бо ми́лости ища́й отъ тебе́, во смире́нии ко хвалѣ́нію твоему́ приступа́ю.

Богородиченъ: Вѣ́рная и благонаде́жная Засту́пнице, немо́щныхъ покрове́, ма́терски не гнуша́йся усте́нь, а́ще и нечи́стыхъ, но благо́датель пода́ти мнѣ́ испроси́ съ му́ченикомъ, пѣ́ти начина́ющу сла́ву [Твоею́].

Катавасія: Отве́рзу уста́ моя...

Пѣснь 3.

[**Ирмо́сь:** Утве́ржде́й въ нача́лъ небеса́ разумо́мъ и зе́млю на вода́хъ основа́вый, на ка́мени мя́, Христе́, заповѣ́дей Твои́хъ утве́рди, я́ко нѣ́сть свя́тъ па́че Тебе́, Еди́не Чело́вѣколю́бче.

Утве́рди се́рдце моё́ во упова́нии на Тя́, Богома́ти, изми́ вся́кую горды́ню и превозно́шеніе изъ помраче́ннаго ума́ моего́, да вопію́: нѣ́сть свя́тъ, я́ко Госпо́дь, и нѣ́сть пра́ведень, я́ко Бо́г нашъ.

Ты, о Богомати, немощствующія препоясуеши силою, алчущія насыщаеши; посѣти и мою немощь и алчущаго и жаждущаго мене насыти Животнаго Хлѣба, чрезъ Твою дѣвственную утробу сшедшаго съ небесе на зѣмлю.

Возстави, Владычице, отъ земли мене, убогаго, и отъ гноища грѣховнаго воздвигни, нищаго, даждь молитву мнѣ, молящемуся, да, величая, пою Твое заступленіе.

Неплодствующій мой умъ плодоносенъ покажи, Благая Дѣво, отъ неплодове рождаемая: Ты бо плодоносиє всѣхъ благъ явленіемъ иконы Твоея подаеши.

Инъ.]

Ирмосъ: *Силою Креста Твоего, Христѣ, утверди мое помышленіе, во еже пѣти и славити спасительное Твое Вознесеніе.*

Стезя кровей твоихъ приведя тя къ Распѣвшемуся за ны: вонзенія бо въ персты рукъ и ногъ, и лютаѣ мученія во удѣ и на дрѣвѣ смѣрть претерпѣлъ еси.

Вѣра твоя утверди тя, мучениче Веніамине: умъ бо человѣческій недомышляется, како можетъ естество наше преестественныя муки терпѣти?

Страданіями терзаемый, паче же огнемъ любве къ Богу палимый, вопіялъ еси

мучите́лемъ: за Христа́ и сме́рть пріяти гото́въ
е́смь.

Богоро́диченъ: Ученико́въ нача́льница была́
еси́, Дѣ́во Непоро́чная, егда́ ору́жіе ду́шу Ти́
пройде́, на Крестѣ́ распина́ема Сы́на и Бо́га
Твоего́ зря́ща ужа́снѣ.

Конда́къ мученика, гла́съ 3:

Отъ до́браго исто́чника, епи́скопа своего́
Авды́, напои́вся оби́льно, того́ стопа́мъ
послѣ́довалъ еси́, во благовѣ́стии, страда́ніяхъ и
сме́рти. И ны́нѣ съ ни́мъ вкупѣ́ лику́я, зове́ши и
на́съ въ селе́нія го́рняя, да пое́мъ съ ва́ми:
Аллилу́ю.

Сѣда́ленъ, гла́съ тойже. Подо́бенъ: Вѣлія
Креста́.

Вѣлія Креста́ Господня́ си́ла, то́читъ бо чуде́са
и на страда́нія подви́заетъ, и яви́ немо́щныхъ
побѣ́дители и надъ де́моны вла́стители. Тѣ́мъ съ
мученики́ свѣ́тло рце́мъ: благослове́нъ еси́ плоти́ю
Распны́йся и Воскресе́ый. **[Два́жды.]**

Сла́ва, и ны́нѣ [Богороди́цы]:

Свѣ́тлое дне́сь Засту́пницы [на́шея наста́
 торже́ство. Да взыгра́ется тва́рь, да
ликовству́ють челове́честіи собо́ри, созыва́етъ бо
на́съ Свята́я Богоро́дица ви́дѣти огненосну́ю
ико́ну Свою́, луча́ми ми́лости вѣ́рныя

просвѣщающую. Тѣмже, радуешься, вопіемъ: спаси, Господже, отъ глѣда, огня, мечѣ и бѣдъ вся почитающія явленіе иконы Твоея].

Пѣснь 4.

[**Ирмосъ:** Ты моя крѣпость, Господи, Ты моя и сила, Ты мой Богъ, Ты мое радованіе, не оставль нѣдра Отца, и нашу нищету посѣтивъ. Тѣмъ съ пророкомъ Аввакумомъ зову Ти: силъ Твоей слава, Человѣколюбче.

Покры небеса добродѣтель Твоя, Богомати, и хвалы Твоея исполнися земля, но положи любовь державную крѣпости Твоея и на мнѣ, отчаянномъ.

Уготовляющи шествіе чуднѣй иконъ Твоей, даде бездна гласъ свой, воздвигеся солнце, и сіяніе ея яко свѣтъ бысть, но Ты изшла еси на спасеніе людей, спасти Твое наслѣдіе пришла еси.

Услышавше слухъ пришествія Твоего, иноцы убояшася; уразумѣвше же дѣла Твоя, ужасошася, но ввѣгда смутитися души моей, милость Твою помяни, Владычице, да взываю: слава заступленію Твоему, Богомати.

Ты еси моя крѣпость и сила, Богородице, Тобою почію въ день скорби моея, и изъ страны пришельствія взыду Тобою въ небесное наслѣдіе, и возрадуюся о Господѣ и Божѣ, Спасѣ моёмъ.

Инъ.]

Ирмось: Услы́шахъ слухъ́ си́лы Креста́, я́ко рай́ отве́рзеса́ имъ́, и возопи́хъ: сла́ва си́ль Твое́й, Го́споди.

Устраша́ють на́съ страда́нія твоя́ за благовѣ́стіе Евангелѣ́ское. Се́ бо вопія́лъ еси́: до конца́ претерпѣ́въ, спасу́ся!

Му́ки го́рькія прія́лъ еси́, егда́ на дре́во о́строе вонзе́нь бы́лъ еси́, и возопи́: помяни́ мя, Го́споди, во Ца́рствіи Твое́мъ!

Нестерпи́мыя стра́сти терпя́, па́че сло́ва свидѣ́тельствова́лъ еси́, взыва́я: ничто́же разлучи́тъ мене́ отъ любви́ Христо́вы.

Богородиченъ: Любо́вь на́шу прие́млющи, пода́ждь на́мъ во страда́ніи крѣ́пость, си́ла бо Бо́жія въ не́мощехъ соверша́ется.

Пѣснь 5.

[**Ирмось:** Вску́ю мя́ отри́нулъ еси́ отъ лица́ Твоего́, Свѣ́те незаходи́мый, и покры́ла мя́ е́сть чужда́я тма́ ока́яннаго? Но обрати́ мя, и къ свѣ́ту за́повѣдей Твои́хъ пути́ моя́ напра́ви, молю́ся.

Ви́ждь, Чи́стая, отъ но́щи у́треннюю́щія лю́ди па́ствы Твое́я, ико́ну Твою́ богохва́льную обстоя́щія, разрѣ́шенія же грѣ́ховъ прося́щія, и житі́я испра́вленія, и Боже́ственныя сла́вы

прича́стія: не отри́ни у́бо на́съ отъ лица́ Твоего́,
Свѣ́та незаходи́мага Ма́ти.

Все́ю душе́ю и мы́слію въ па́ствѣ́ Твое́й вси́
слику́юще, псалмы́, и пѣ́сньми духо́вными, и
пѣ́ніемъ божѣ́ственнымъ ико́ну Твою́ почита́ютъ,
проще́нія грѣ́ховъ прося́ще и ду́шъ спасе́нія. Ты́
же, исцѣ́леніе на́ше су́щи, сія́ вся́ пода́ждь,
Влады́чице Богоневѣ́сто.

Хра́мъ Тво́й, Дѣ́во, я́ко ра́й другі́й показáся
ны́нѣ, я́ко дре́во жи́зни имѣ́я ико́ну красоты́
Твоея́, ю́же вси́ усер́дно со благоговѣ́ніемъ и
любо́вію цѣ́лующе, взыва́емъ: Влады́чице, ми́ръ
да́ждь на́мъ; Влады́чице, стяжи́ на́съ, ино́го бо
развѣ́ Тебе́ утѣ́шенія не вѣ́мы.

Рѣ́ку Тя́ сла́дкую и пото́къ насыще́нія, ма́нну
небе́сную, изоби́ліе и благода́ть приснотеку́щую
во обители́ Твое́й живу́щии стяжа́вше, пою́тъ
Рождество́ Твое́, Отрокови́це.

Инѣ́.]

Ирмо́съ: *Утреню́юще, вопі́емъ Ти́: Го́споди,
спаси́ ны, Ты́ бо еси́ Бо́гъ на́шъ, развѣ́ бо Тебе́
ино́го не зна́емъ.*

Ко Христу́ любо́вію влеко́мъ, вся́ Его́ ра́ди
претерпѣ́ль еси́, зовы́й: Ты́ еси́ Бо́гъ мо́й, развѣ́
Тебе́ ина́го не зна́ю.

Ду́хомъ пламенѣя, вопіялъ еси́ мучите́лемъ: никогóже хо́щю вѣ́дѣти, то́кмо Іисуса́ и Сего́ ра́спята по мнѣ́.

Желая́ ду́шу свою́ за Христа́ положи́ти, я́ко елѣ́нь на сладкія во́ды, къ му́камъ за Него́ устремі́лся еси́, Сладча́йшаго Іисуса́ искі́й неудо́ержимо.

Богоро́диченъ: Во всѣ́мъ мі́рѣ показу́ются чудеса́ Твоя́, Влады́чице, и мене́ болѣ́знующаго, не мимо́иди, Благая́, стра́сти моя́ исцѣ́ляющи.

Пѣ́снь 6.

[Ирмо́съ: Очи́сти мя́, Спа́се, мно́га бо беззако́нія моя́, и изъ глублины́ зо́ль возведи́, молю́ся, къ Тебѣ́ бо возопи́хъ, и услы́ши мя́, Бо́же спасе́нія моего́.

Въ ско́рби се́рдца вопію́ Ти, Влады́чице, житѣ́йскаго мо́ря потопля́емъ бу́рею, къ Тебѣ́, я́ко тѣ́хому приста́нищу, прибѣ́гаю: возведи́ отъ тли́ живо́ть мой.

Бѣ́дна послѣ́дняя грѣ́ховъ обы́де мя́, и исче́заетъ ду́хъ мой, но простри́, Влады́чице, вы́сокую Твою́ мы́шцу, и я́ко Гаврі́їла, и мене́, ко Твое́й ико́нѣ прибѣ́гающа, невреди́ма сотвори́.

Не отри́ни мене́ до конца́ отъ лица́ Твоего́, Ма́ти незаходи́мага Свѣ́та, не попусти́ мнѣ́

погрязнути въ пучинѣ беззаконій, но возведи мене отъ блата страстей, да възидеть изъ нетлѣнія животь мой, и пожру Тебѣ со гласомъ хваленія и исповѣданія.

Храмъ носяй тѣлесный весь оскверненъ, Тебѣ, пречистому храму Вѣчнаго Слова, дерзаю въ честнѣмъ храмѣ Твоемъ, предъ Твоею святою иконою приносить смиренныя моя молитвы. Ты же, яко милостивая, очисти мя Твоимъ благоутробіемъ.

Инъ.]

Ирмосъ: *Обыде мя бездна, гробъ мнѣ китъ бысть, азъ же возопихъ къ Тебѣ, Человѣколюбцу, и спасе мя десница Твоя, Господи.*

Прѣжде Креста Твоего, Господи, со ужасомъ Отцу молился еси, немошь естества человѣческаго показуя. Мученикъ же Твой взываше: вся могу о укрѣпляющемъ мя Іисусе!

Первѣ очистивъ дѹшу въ подвижѣхъ, ко благовѣстію потѣклъ еси, и мученическимъ вѣнцемъ украсился еси, страдати о Христѣ тебѣ даровася.

Иныхъ научая, себе самаго образъ показаль еси, да всякъ по Христѣ идый, отвержется себе и вземъ крестъ свой, грядеть по Немъ неизмѣнно.

Богородиченъ: На Крестъ висай, Сынъ Твой не забы Тебе, Своя Матере, возлюбленному

ученику вручи Тя. Не забуди и насъ, немощныхъ чадъ Твоихъ.

Кондакъ [Богородицы], гласъ 8:

Аще и въ море [ввержена бысть святая икона Твоя, Богородице, отъ вдовицы, не могущія спасти сію отъ враговъ, но явилася естъ хранительница Аѡна и вратарница обители Иверскія, враги устрашающая и въ православный Россійскій странъ чтущія Тя отъ всѣхъ бѣдъ и напастей избавляющая].

Икосъ:

Въ столпѣ огненнѣ [являшуюся Богоматере икону видѣвше, возопиша постниковъ иверскихъ лица: О, Владыко, сподоби насъ пріяти икону Матере Твоея во утѣшеніе странствія нашего; ты же, Гавріиле, дерзай и вниди въ море, и пріими во объятія твоя сокровище, намъ являемое, да будетъ намъ стражъ неусыпный, покровъ же, и радость всѣмъ христіаномъ, и хранительница, отъ бѣдъ и напастей избавляющая].

Пѣснь 7.

[Ирмосъ: Божія снисхожденія огонь устыдѣся въ Вавилонѣ иногда, сего ради отроцы въ пещи, радованною ногою, яко во цвѣтницѣ, ликующе пояху: благословенъ еси, Боже отецъ нашихъ.]

Согрѣшихомъ, беззаконновахомъ, неправдовахомъ предъ Господемъ, но, Владычице моя Богородице, яко Благая угаси огонь Его праведнаго гнѣва Твоимъ теплымъ ходатайствомъ, да поемъ Ему: отецъ нашихъ Боже, благословенъ еси.

Въ печи искушений и бѣдъ опаляемыхъ ороси, Богомати, струями Твоихъ щедротъ, да посрамятся врази наши и да разумѣютъ вси, яко Ты единая еси Владычица Богородица, по всей вселенной славимая.

Престолу Царя Славы, честнейшая херувимъ, одушевленный храмъ, въ немже вселися Господь, твердь небесная, на нейже возсия Солнце правды — Христосъ, Тя поемъ, Богомати, и превозносимъ во вся вѣки.

Ты еси веселіе и въ пустыняхъ живущимъ, Ты еси и царствующаго града утѣшеніе и похвала, Дѣво Маріе, препѣтая и превозносимая во вѣки.

Инъ.]

Ирмосъ: Въ печи огненной пѣснопѣвцы спасый отроки, благословенъ Богъ, отецъ нашихъ.

Преходятъ, яко княземъ воины, Христу Богу — славнии мученицы, слава Тебѣ, глаголюще, мучениковъ веселіе.

Беззако́нныхъ мучи́телей побѣди́вше и діаво́льскія дѣрзості попра́вше, ны́нѣ въ Ца́рствіи сла́вы лику́ете, страда́льцы.

Стра́сти на́ша побѣди́ти и вра́жія искуше́нія одолѣ́ти, мо́лимъ ва́съ, святіи му́ченицы, Христо́вы спобо́рницы.

Богоро́диченъ: Грѣхо́въ рукописа́нія и неудобосмыва́емая заглажда́ются моли́твами Твои́ми, Пречи́стая. Сла́ва милосе́рдію Твоему́, Многоми́лостиве!

Пѣснь 8.

[Ирмо́съ: Седмери́цею пѣщъ халде́йскій мучи́тель богочести́вымъ неистовно разжже́, силою же лу́чшею спасе́ны сія́ ви́дѣвъ, Твори́цу и Изба́вителю вопія́ше: о́троцы, благослови́те, свяще́нницы, воспо́йте, людіе, превозноси́те во вся́ вѣ́ки.

Пою́тъ Тя а́нгельскія сі́лы, превозноси́тъ челове́чскій ро́дъ, благослови́тъ Тя вся́ тва́рь, Пречи́стая Дѣ́во Богоро́дице. Приими́ и отъ мене́, недостойна́го, приноси́мое Тебѣ́ хвалѣ́ніе.

Пойте, ино́цы Аѳо́на, благословля́й, землѣ́ Иверская́, превозноси́, вся́ странó Россі́йская, Благо́ую Влады́чицу, рѣ́ки чудесъ отъ Своея́ чудотвори́ныя ико́ны источа́ющую. Хва́лимъ, благослови́мъ, покланя́емся Ти́, Богоро́дице, пою́ще и превознося́ще во вся́ вѣ́ки.

Подо́биемъ ико́ны Иверскія не то́чію святы́й Аѡ́нъ просвѣща́ется, но и ца́рствуяй гра́дъ Москва́ украша́ется, отъ того́ чуде́сную по́мощь пріе́мля и исто́чникъ утѣше́нія въ нёмъ обрѣ́тая.

Ещё и страна́ Новгоро́дская и иніи гра́ды и ве́си подо́биемъ Иверскія ико́ны Твоея́, Влады́чице, освяти́шася и чуде́сы просвѣти́шася, вопію́ще: Го́спода по́йте и превозно́сите во вся́ ве́ки.

Инъ.]

Ирмо́сь: *Изъ Отца́ прѣ́жде вѣ́къ рождѣ́ннаго Сы́на и Бо́га и въ послѣ́дняя лѣ́та воплоще́ннаго отъ Дѣ́вы Ма́тере, свяще́нницы, по́йте, лю́діе, превозно́сите во вся́ вѣ́ки.*

Сладо́сть а́нгеловъ, апо́столовъ похва́ло, му́чениковъ весе́ліе, преподо́бныхъ умиле́ние, немо́щныхъ укрѣ́плє́ние, грѣ́шниковъ спасе́ние, Спа́се, — си́це взыва́етъ Ти́ Цѣ́рковь Твоя́.

Креста́ ча́шу испи́лъ еси́, креще́ніемъ му́къ кресты́лся еси́, діаконе́ Веніа́мине, сего́ ра́ди одесну́ю Сы́на Человѣ́ческаго сѣ́диши, сла́въ Тро́ицествъ пріобща́ся.

Велича́етъ тя́, страстоте́рпче, Цѣ́рковь Христо́ва, тобо́ю бо вѣ́ра укрѣ́пляется, бѣ́си изгоня́ются, кро́вию твоєю́ Ева́нгеліе́ утвержда́ется, Христо́съ прославля́ется и мы́ тя́ восхваляе́мъ.

Богородичень: Тобою дверь въ Царствіе небесное открывається и райская селенія святыми восполняются, и вси со ангелы тя величаемъ, Честнѣйшую херувимъ, Бога Слова рождшую.

Пѣснь 9.

[**Ирмосъ:** Ужасеся о сѣмъ небо, и земли удивившася концы, яко Богъ явися человекомъ плоти, и чрево Твое бысть пространнѣйшее небесъ. Тѣмъ Тя, Богородицу, Ангеловъ и человекъ чиноначалія величаютъ.

Тайна глубины Рождества Твоего умъ ангельскій ужасаеъ, Дѣво, и пречистая икона Твоя демоны прогоняеъ, не терпяще бо взирати на силу ея, бѣгають и исчезаютъ. Мы же той любезно покланяемся и облобызаемъ, и Тя, Богородицу, величаемъ.

Приидите вси, поклонимся, припадѣмъ и возвеличимъ Божію Матерь, призрѣвшую на насъ, смиренныхъ, алчущія исполняющую благъ и положившую съ нами завѣтъ милости во явленіи Своея дивныя иконы.

Богородице Дѣво, упованіе христіаномъ, пробави и нашему роду милости Твоя, бывшія отцемъ нашимъ, покрый и соблюди насъ отъ всякаго зла.

О, Всеми́лостивая христіа́номъ Помо́щнице! Не мо́жетъ Тя́ воспѣ́ти досто́йно язы́къ челоуѣ́чскій и а́нгельскій, я́ко всея́ тва́ри честнѣ́йшую и земны́хъ сла́внѣ́йшую, но прі́ими ми́лостивно сіе́ приноси́мое Тебѣ́ отъ на́съ моле́ніе и спаса́й на́съ всегда́, на Тя́ бо упова́ніе возложи́хомъ.

Инѣ.]

Ирмо́съ: *Тя́ па́че ума́ и словесе́ Ма́терь Бо́жію, въ лѣ́то Безлѣ́тнаго неизрече́нно ро́ждшую, вѣ́рнии, единому́дренно велича́емъ.*

Стыжду́ся недосто́йными усты́ восхваля́я тя́, па́че бо ума́ подвиги́ твоя́ и страда́нія, оба́че вѣ́рою вопію́: ра́дуйся, священному́чениче, діаконѡвъ вы́сокая похва́ло.

Да бу́детъ прі́яте́нь ти да́ръ сего́ пѣснопѣ́нія, ты́ же благода́ть въ де́нь тво́й мнѣ́ испроси́, да велича́ю тя́ ра́достно: ра́дуйся, му́чениче Веніа́мине, страстоте́рпче прекрѣ́пкій.

Во́ля Господ́ня на тебѣ́ соверши́ся и благода́ть Бо́жія дарова́ся ти, е́же не то́кмо вѣ́ровати и благоу́ствовати, но и страда́ти по Хри́стѣ́ сподо́бился еси́. Сего́ ради́ зову́: ра́дуйся Веніа́мине, діаконе́, проповѣ́днице и страда́льче.

Богоро́диче́нь: **К**упи́на неопали́мая была́ еси́, Богоро́дице Дѣ́во, и Ма́терь Бо́жія яви́лася еси́ неизрече́нно. Оба́че вѣ́рою и любо́вію съ

мученики хвалу́ Ти приношу́: раду́йся,
Богоро́дице Дѣво, мучениковъ сла́во!

**Свѣтиленъ мученику. Подобенъ: Крѣсть —
хранитель.**

Крѣсть мучѣніа подъялъ еси́, Евангеліе
страда́ньми исповѣдалъ еси́, сла́ву Ца́рствія
получи́лъ еси́, иди́же со всѣ́ми святы́ми лику́я,
поѣши Трои́цу Пресвяту́ю. **[Два́жды.]**

Сла́ва, и ны́нѣ [Богородицы]:

Ико́ну Твою́ всечестну́ю [пріи́мъ Гавріи́лъ во
объя́тіа, вопія́ше Тебѣ́, Влады́чицѣ: О, сла́дкая
Ма́ти Ца́ря Христа́, бу́ди покрóвъ Твое́й оби́тели,
радо́сть же всѣ́мъ христіа́номъ и Спорóчница
жи́зни вѣ́чныя].

**На хвали́техъ стихи́ры на 6:
Богоро́дицы 3, гласъ 4:**

О, несказа́нныя бла́гости!* [О, сла́внаго
явле́нія ико́ны Богома́тере,* яже сія́етъ
чудесы́* и просвѣща́етъ благода́тію вѣ́рно
приходя́щія!* Ю́же съ весѣ́ліемъ
пріе́млюще,* Чи́стую
Богоотрокови́цу* достодо́лжно пѣ́сньми
почита́емъ и ублажа́емъ.

О, пресла́внаго Твоего́ о на́съ, Влады́чице,
промышле́нія!* Чудну́ю бо Твою́ ико́ну Аво́ну
посыла́еши* и я́ко стра́жа на́мъ неусы́пна* ту́ю

подаеши милостивно* и утѣшеніе странствію нашему.* Тѣмже, познавше Твоя честная чудеса,* пѣсньми Тя величаемъ.

О, преславнаго чудесе!* Како огненосная икона на волнахъ морскихъ,* яко на колесницѣ носится,* свѣтлыми лучами благодати умы просвѣщающи?* Еяже торжество пѣсньми почитающе радостно,* славу возсылаемъ Богородительницѣ].

И мученика 3, гласъ 8. Подобенъ: Что васъ наречемъ?

Что ты возыменую, страстотерпче? Херувима ли, яко Бога прославилъ еси? Серафима ли, [яко] пламенѣлъ еси? Ангела ли, страдалъ бо еси, яко безплотенъ? Діакона ли, яко служилъ еси до крове? Многая твоя мученія, и паче высшая на небесѣхъ слава! Моли спастися чтущимъ тя.

Что бо ми есть на небесі и на земли? Точію еже любити Христа! Кто бо инъ, яко Богъ нашъ Христосъ, къ кому идемъ? Сей Единъ есть Жизнь! Кто инъ спасаей? Токмо оставляяй грѣси! Той есть Истина и Путь, Той есть Искупитель мой благій! За Него азъ умираю, да и живу съ Нимъ!

Что пріялъ еси, мучениче? Славу ли, яко прославилъ еси Христа? Блаженство ли, яко люте страдалъ еси? Чудесь ли даръ, яко

служитель Церкви был еси? Великая твоя дарования, неизреченная благодать и сила! Моли и намъ спастися.

Слава мученику, гласъ 6:

На единоименники твоя призирая и, славословяща тя, заступая, помяни ны, славный мучениче, Христу предстоящи: пснопние сие составльшему испроси грховъ прощение и благодать исправления; поющимъ тя — велию милость и спасение всъмъ молящимся.

И нынѣ, гласъ 4:

Твой глаголъ исполняя, Богомати, преподобный Гавриилъ немокренно по водѣ морстѣй пшешествова, и восприимъ священную икону Твою, ликъ псенный состави и торжество съ постники аѳонскими совокупѣ. Тѣмже и мы, удивляющеся, вопіемъ Первовиновному: слава Тебѣ, сотворшему дивная, единому Царю и Богу, молитвѣ ради Богородицы! Сохрани Императора нашего, Егоже избралъ еси царствовать надъ нами, и победы Ему на враги даруй, яко Всесильень.

Славословіе великое. Тропарь мученика.
Слава, и нынѣ, тропарь Богородицы: Отъ
 святѣя иконы Твоея... [**Ектеніи**] **и отпусть.**

НА ЛИТУРГИИ,

Блаженна отъ канона Богородицы пѣснь 3-я, на 4, и святаго пѣснь 6-я, на 4. Прокимень, пѣснь Богородицы, гласъ 3: Величитъ душа моя Господа, и возрадовася духъ Мой о Бозѣ Спасе Моёмъ. **Стихъ:** Яко призрѣ на смиреніе рабы Своея, се бо отъ нынѣ ублажатъ Мя вси роди. **И святаго, гласъ 7:** Возвеселится праведникъ о Господѣ и уповаєтъ на Него. **Апостолъ Богородицы, ко Филиппісіомъ зачало 240. И святаго, къ Тимоѳею зачало 292. Аллилуія Богородицы, гласъ 8:** Слыши, Дщи, и виждь, и приклони ухо Твое. **Стихъ:** Лицу Твоему помолятся богатіи людстии. **И святаго, гласъ 2:** Праведникъ, яко финиксъ процвѣтѣтъ, яко кедръ, иже въ Ливанѣ, умножится. **Евангеліе Богородицы, Луки зачало 54. И святаго, Луки зачало 63. Причастенъ Богородицы:** Чашу спасенія прииму, и имя Господне призову. **И святаго:** Въ память вѣчную будетъ праведникъ, отъ слуха зла не убоится.

Примѣчанія:

- [1] Въ текстѣ: «остаріи» (опечатка?). Въ слав. прологѣ: «коль остръ».
- [2] Въ текстѣ ошибочно «налитися».

**Источникъ: Служба на празникъ иконы
Иверской Божіей Матери и на память
святаго мученика діакона
Веніамина. // Митрополитъ Веніаминъ
(Федченковъ). О богослуженіи Православной
Церкви. — М.: СТСЛ; Изд-во «Отчій домъ»,
2000. — С. 568-582.**

